




Broj: 04-St.-598/21
Ilidža, 14.04.2021. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

Skupština Kantona Sarajevo

SARAJEVO

Ul. Reisa Džemaludina Čauševića br.1.



PREDMET: Zastupničko pitanje – Segmedina Srna Bajramović

Predmet: Izgradnja osnovne škole na području MZ Stup II
(Dopis br. 01-04-16407-5/21 od 08.04.2021. godine)

Poštovani,

Vežano za pitanje uvažene zastupnice Segmedine Srne Bajramović, postavljeno na 34. Radnoj sjednici Skupštine Kantona Sarajevo a po pitanju detaljne informacije vezane za aktivnosti na izgradnji Osnovne škole na području MZ Stup II, koristim priliku da po pitanju istog dam slijedeću informaciju i to:

- Bez obzira što Općina nije osnivač školskih institucija u potpunosti smo svjesni ozbiljnosti navedenog problema i vodeći brigu o potrebama stanovništva lokalne zajednice pokrenuli smo niz aktivnosti a sve u cilju izgradnje Osnovne škole na području ove mjesne zajednice.
- Na području MZ Stup II osim na lokaciji sadašnjeg sportskog igrališta "Partizan", Općina Ilidža ne posjeduje u svom vlasništvu zemljište dovoljne površine na kojem bi bilo moguće izgraditi objekat tražene površine pa je prilikom izrade RP "Nukleus" ova namjena planirana na parceli k.č. 1034/2; 1034/5 i 1034/6 KO Stup.
- U cilju provođenja potrebnih aktivnosti Općina Ilidža je u dva navrata naručivala idejne projekte škole i blagovremeno pokrenula proceduru rješavanja imovinsko-pravnih odnosa na planiranoj lokaciji ali smo od strane Općinskog suda Sarajevo informisani da je zemljište planirano za izgradnju Osnovne škole "pod sudskom privremenom mjerom zabrane otuđenja i opterećenja nekretnina ili stvarnih prava na predmetnim nekretninama" sa nepoznatim rokom skidanja iste pa samim tim je i neizvjesna eksproprijacija istog u cilju izgradnje škole.



- U međuvremenu je Općinsko vijeće Ilidža zaprimilo Inicijativu građana Stupa sa peticijom potpisanom sa preko hiljadu potpisa u kojoj su građani sami predložili novu lokaciju izgradnje.
- Uvažavajući potrebe građana, Općina Ilidža je u cilju poštivanja zakona i nadležnosti, za dan 21.04.2021. godine zakazala radni sastanak sa nadležnim ministarstvima Kantona Sarajevo i Zavodom za planiranje razvoja KS, kako bi sagledali izneseni zahtjev i inicijativu građana a sve u cilju rješavanja problema.

Naša želja za rješenjem ovog problema i izgradnjom škole na prostoru MZ Stup II ostaje u punoj opredijeljenosti i nadamo se da će ista i biti razriješena u najskorije vrijeme.

S poštovanjem.

Izradio: B.
Kontrolisao: C.

1. arh.



DOSTAVLJENO:

1 x Naslov

1 x Stručna služba Općinskog načelnika

1 x a/a



OPĆINSKI NAČELNIK

Negnin Muzić / magistar uprave

